

Svar interpellasjon Ø.Strømmen MDG – Fartsdempande tiltak i Steinslandsvegen

Eit av fartsdempande tiltaka er låg fart. I Steinslandbakker det er det 30 sone frå krysset, opp bakken og vidare langs Gjerdsvegen fram til barneskulen. Vegen er og definert som skuleveg til barneskulen. I tillegg skal kommune ha samarbeid med politiet og hyppige politikontrollar langs heile skulevegen, og andre utsette strekningar i kommune. Som innbyggjar er det viktig at dei og melder inn til politiet og varslar om uforsvarleg køyring på både fylkes- og kommunale vegar i kommunen.

Eit anna tiltak er fartshumpar, som er dei fysiske tiltaka som oftast vert nytta som fartsreduserande når fartsgrensa ikkje vert overhaldt. Fartshumpar i bakkar kan vera utfordrande å passera vinterstid, og resultera i trafikkfarlege situasjonar dersom fleire bilar ikkje kjem seg opp bakken. Det er likevel eit godt fartsreduserande tiltak, og 1 til 2 fartshumpar bør verte etablert dersom det ikkje vert betre køyreadferd innanfor fartsgrensa på strekningen. Ein fartshump er kostnadsrekna til om lag 300.000 kroner. Dersom eit slikt tiltak skal realiserast må det verte prioritert som eit eige TS-tiltak og setjast av midlar i investeringsbudsjettet for 2024.